

ALDERDI POLITIKOEN LEGEA. PSOEek uko egin dio bere kabuz jarri zituen sei zuzenketa partzialak defenditzeari

Alderdien lege aldaketak CiUren babesa izango du, haren 37 zuzenketa onartuta

EAJk eta IUk egitasmoari jarritako zuzenketa partzial guztiak atzera bota ditu Ponentziak, Espainiako Kongresuan



MANUEL H. DE LEON / EFE

Xavier Trias eta Jose Manuel Sanchez Silva, CiUko diputatuak, Espainiako Kongresuko osoko bilkuran.

Erredakzioa | DONOSTIA

Alderdi Politikoen Lege aldaketak CiUren babesa izango du, Espainiako Kongresuan haren 38 zuzenketa partzialetatik 37 aintzat hartu dira eta. Jose Manuel Sanchez Silva CiUko ponentearen hitzetan, segurtasun juridikoa «oso» da orain, eta testua «zalantza konstituzionalik gabea». PPK eta PSOEek hitzartutako zuzenketak ere testuari atxiki zaizkio, eta PSOEek uko egin dio bere kabuz jarritako sei zuzenketak defendatzeari, «adostasuna errazteko».

Espainiako Kongresuan Batzorde Konstituzionaleko Ponentziak Alderdien Lege egitasmoari jarritako 191 zuzenketa partzialak aztertu zituen atzo. Espainiako Gobernuak prestatutako testuari PPK eta PSOEek hitzartutako 11 aldaketak, CiUk jarritako zuzenketa gehienak eta Coalicion Canariaren zenbait proposamen batu zizkion. Uste zen bezala, ez zuten EAJ eta IUren bakar bat ere onartu.

Joan zen astean CiU lege aldaketaren alde bozkatzeko prest agertu zen, baldin eta bere zuzenketa «guztiak» aintzat hartzen baziren. Bat izan ezik, denak onartu zituzten atzo, hitzez hitz edo zeharka. Alabaina, zuzenketa bat airean geratu zen: egunen batean zigortuak izan diren eta «bergizarteratzea» lortu duten pertsonen alderdiak sortu ahal izatea eskatzen zuten CiUk. Lege egitasmoaren 2.1 artikulua dioenez, Zigor Kodeko XXI eta XXIV tituluetako delituengatik edo lege kontrako elkartzeagatik zigortutakoek ezingo dute inoiz alderdi politikorik sortu.

PSOEek bere kabuz jarritako zuzenketetan, berriz, alderdi bat lege kanpo uzteko erabakia Espainiako Auzitegi Goreneko Zibileko Salak izatea eskatzen zuten, besteak beste. Lege egitasmoan Sala Bereziari airtortzen zaio ahalmen hori.

Alderdi bat lege kanpo uzteko hark «terrorismoa, indarkeria edo arrazakeria babestu beharko du»; hala azaldu zuten PP, PSOE eta CiUko ordezkariak. Silvaren ustez, EAJren hasierako kexa gehienek orain ez dute zentzurik. Aldaketa gehien ilegalizazio arrazoiak zehazten diren atalean egin bide dira.

IRUÑEKO PARLAMENTUA

Alderdien Legea eztabaidatuko du Foru Parlamentuak

Irene Arrizurieta / IRUÑEA.- EAK Alderdien Legeari aurkezturiko helegitea eztabaidatuko du Nafarroako Parlamentuak. Bozeramaileen Mahaiak eta Batzordeak tramitarako onartu zuen atzo Begoña Errazti EAKo lehendakariak eginiko eskaera. Erraztik Legea gelditzea eskatu zuen.

PPk bultzatu duen legeak «segurtasun falta juridiko handia» eragiten duela kritikatu zuen Erraztik. EAre irudiko, helburua «alderdi politiko jakin bat lege kanpo uzteko bideak irekitzea da». Baina hori bakarrik ez: Erraztik uste du alderdi bat lege kanpo uzteko aintzat hartuko diren baldintzak «etorkizunean beste batzuei ezartzeko arriskua» dagoela.

Kritikatu du alderdi bat lege kanpo uzteko «moduak eta baldintzak» landu direla eta alderdien zuzenbideko arauak garatu gabe utzi. Halaber, «politikoki bai, baina juridikoki arbuia garriak ez diren hainbat jokabide» arautzen direla deitoratu du.

Ponentziaren bileran Jaime Ignacio del Burgo batzordeburua (UPN-PP), PPKo hiru ordezkari, PSOEko bi eta CiUko zein IUko bana egon ziren. EAJko ordezkariak ez zen izan bileran. EAJk jarri zuen zuzenketa partzial gehien: 56. IUk, berriz, 22.

Hurrengo pausoa ostegunean

Atzo onartutako txostena etzi, osteguna, eztabaidatuko dute Batzorde Konstituzionalean, eta ekainaren 4an Kongresuko plenora eramango dute, oneste aldera. Testuak PP, PSOE, CiU eta Coalicion Canariaren aldeko botoak izango ditu: Espainiako Kongresuko ordezkarien %93. Ondoren, Espainiako Senatura joango da testua, eta handik BOE Espainiako Aldizkari Ofizialera, legea indarrean jar dadin.

Legeak ekar ditzakeen ondorioen gainean «zalantzak» ditu Bizkaiko PSEko idazkariak

Erredakzioa | BILBO

Alderdi Politikoen Legeak «zalantza» betetzen duela aitortu zuen atzo Jose Antonio Pastor Bizkaiko PSE-EEko idazkari nagusi berriak. Edukiagatik beragatik ez eze, Legeak ekar ditzakeen ondorioen inguruan ere kezkatu azaldu zen atzo, Radio Euskadin eginiko adierazpenetan. Pastorrorek ez du argi ikusten «terrorismoaren aurkako borrokan» legea eraginkorra izango denetz.

Hala ere, bere zalantzak argi adierazi arren, PSE-EEK Alderdi Politikoen Legea «erabat» defendituko duela esan zuen Bizkaiko sozialisten idazkari berriak.

Jose Antonio Pastoren hitzetan, ez Espainiako Barne ministroak, ezta Justiziakoak ere, ez dute orain arte inolako argibiderik eman legeak eragin ditzakeen ondorioen gainean: «Ez dakite ezta indarrean nola jarri ere».

Espainiako Gobernuak eta Alderdi Popularrak PSOEren



TXEMA FERNANDEZ / EFE
Jose Antonio Pastor, Bizkaiko PSE-EEko idazkari berria.

babesarekin aurrera aterako duten legearen «eraginkortasunari» buruzko zalantzak ere agertu zituen Pastorrorek. Bizkaiko sozialisten idazkari nagusiaren arabera, «ez Batasuneko legebiltzarkideek, ez batzarkideek, ezta zinegotziek ere, ez dute kreditazioa galduko, egungo legediak esaten duenez kreditazioak pertsonalak direlako».

PSOErekin alderatuta, PSE-EEko sektore zabal batek

Alderdi Politikoen Legearekiko «beste sentsibilitate bat» duela esan zuen Jose Antonio Pastorrorek. «Geu bizi gara herri honetan», gaineratu zuen, «desadostasun» hori arrazoitzeke. Berriz ere zalantza agertu zen legeak «terrorismoaren aurkako borrokan izango dituen benetako eraginei buruz». Bere jarrera argitu nahian, legearen aurka ez dagoela esan zuen, «gurea oso alderdi diziplinatu» delako.

Hasierako zirriborroari PSOEek erantsiriko zuzenketak aipatuz, Pastor pozik azaldu zen aldaketak «mami-tsuak» izan direlako. «Sozialismoaren zenbait sektoretan beldur ginen legearen bidez indarkeriazko jarduerak ez eze gobernu alderdiak gus-tuko ez dituen ideiak ere lege kanpo utziko zituela; adibidez, independentistak».

Pastorrorek PPrentz politika salatu zuen «hauteskundeetako emaitzen bila» dabilelako. «Politika gogorra egiten du, badakielako Euskaditik atetik emango diola».